



BOrsiuoius filius fuit Nostirici ducis Bohe-
mię. Hic cum multis uirtutibus insignis esset,
post obitum patris Bohemorum princeps consti-
tutus est. Eius autem tempore Bohemi idola co-
lebant, atque ethnicorum superstitiones obserua-
bant. Itaq; S. Methodius Morauorum præsul re-
gis Borsiuoi prudentiam & bonitatem conspicia-
tus, in Bohemiam se contulit, atq; Christi Euange-
lium indigenis prædicauit. Eam doctrinam cum
Borsiuoius intellexisset, grato animo suscepit, &
cum Ludmilla uxore prudentissima fœmina ba-
ptismate tinctus fuit, Arnolpho Cæsare existente,
circa annum Christi octingentesimum nonagesi-

imum. Sic Borsiuoius ultimus paganorum, & primus Christianorum princi-
pum in Bohemia extitit. Cum hoc modo diu in Bohemia magna laude præ-
fuisset, obiit, atq; ducatum Spitigneo & Vratislao filijs reliquit. Aen. Syl. in
Hist. Bohem. cap. 12.